

UREDBA
O DODJELI SREDSTAVA ZA ODRŽIVI POVRATAK

("Službene novine Kantona Sarajevo" br. 17/03 i 27/04)

I- OPĆE ODREDBE

Član 1.

Ovom uredbom se uređuje vrsta i visina sredstava za održivi povratak, kriteriji za prvenstvo korištenja prava, način realizacije, postupak i uslovi pod kojima se sredstva za održivi povratak dodjeljuju.

II - USLOVI ZA OSTVARIVANJE PRAVA

Član 2.

Lica iz člana 1. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo" broj: 2/02), (u daljem tekstu: Zakon), koja imaju ili su imala status raseljenog lica, a pod uslovom da su prebivalište, odnosno boravište na području Kantona Sarajevo (u daljem tekstu: Kanton) imala na dan potpisivanja "Općeg okvirnog sporazuma za mir u Bosni i Hercegovini" (14.12.1995.god.), imaju pravo na jednokratnu bespovratnu dodjelu sredstava za održivi povratak u mjesto predratnog prebivališta.

Lica koja su prebivalište na dan 30.04.1991 ,god, imala na teritoriji entitet RS imati će prioritet na jednokratnu dodjelu sredstava za održivi povratak.

Član 3.

Prava na jednokratnu bespovratnu dodjelu novčanih sredstava za održivi povratak ostvaruju lica pod uslovom da pokreću proizvodno uslužne djelatnosti, poljoprivredne i druge djelatnosti, a sve u cilju obezbjeđivanja uvjeta za održivi povratak.

Član 4.

Pravo iz člana 2. nemaju lica koja imaju ili su imala status interno raseljenih lica na području Kantona, odnosno lica koja su svoje stambeno pitanje trajno riješila na području Kantona.

Član 5.

Korisnici prava po ovoj uredbi mogu biti lica koja pored drugih navedenih uvjeta imaju riješeno stambeno pitanje na području prijeratnog prebivališta, odnosno da im je

omogućen nesmetan povratak u prijeratno prebivalište putem sanacije postojećeg ili izgradnjom novog stambenog objekta.

III - DODJELA SREDSTAVA

Član 6.

Novčana sredstva za održivi povratak se mogu odobriti najviše u, visini do 12.000 KM (slovima: dvanaesthiljada KM).

Udruživanjem više lica iz člana 2. ove uredbe, kroz obavljanje određene djelatnosti iz člana 3. ove uredbe mogu se odobriti novčana sredstva u zavisnosti od broja lica, a najviše do iznosa koji predstavlja zbir pojedinačnih iznosa sredstava.

Član 7.

Odluku o odobravanju novčanih sredstava za održivi povratak donosi Kreditni odbor imenovan u skladu sa Uredbom o finansiranju programa za otvaranje radnih mjesta za demobilisane borce, vojne invalide i članove porodica poginulih boraca ("Službene novine Kantona Sarajevo" broj 4/97, 1/99, 4/00 i 26/01) (u daljem tekstu: Kreditni odbor).

Član 8.

Postupak odobravanja novčanih sredstva za održivi povratak je sljedeći:

1. Zahtjev za odobravanje novčanih sredstva, sa kompletnom propisanom dokumentacijom, tražilac sredstava podnosi Ministarstvu za boračka pitanja Kantona (u daljem tekstu: Ministarstvo za boračka pitanja) pojavnom oglašavanju;
2. Stručne službe Ministarstva za boračka pitanja obrađuju sve prispjele zahtjeve i sa svojim stručnim mišljenjem o opravdanosti zahtjeva dostavljaju ih Kreditnom odboru na razmatranje i odlučivanje;
3. Odobrena novčana sredstva za održivi povratak, realizuju se kroz plaćanje računa za kupljenu robu odnosno izvršene usluge putem Poslovne banke u visini 60% od odobrenog iznosa, a drugi dio od 40% isplaćuje se u novcu;
4. Nakon donošenja odluke Kreditnog odbora, Poslovna banka zaključuje pojedinačni ugovor o dodjeli sredstava za održivi povratak sa licima kojima su odobrena novčana sredstva za održivi povratak;
5. Novčana sredstva za održivi povratak je korisnik dužan u cjelosti realizirati u roku od 90 dana nakon izvršene doznake novčanih sredstava, a u skladu sa sklopljenim pojedinačnim ugovorom o dodjeli sredstava za održivi povratak.
6. Kontrolu realizacije ugovora o dodjeli sredstava za održivi povratak izvršava Ministarstvo za boračka pitanja i poslovna banka, a po nalazu komisije za utvrđivanje konkretne implementacije utrošenih sredstava na terenu.

Član 9.

Novčana sredstava za održivi povratak se koriste za namjene iz člana 3. ove uredbe, a mogu se odobriti za nabavku osnovnih sredstava za obavljanje djelatnosti, građevinskog materijala, nabavku poljoprivrednih mašina ili alata, nabavku stoke i izvršenje određenih građevinskih usluga ili usluga popravke mašina.

Član 10.

U slučaju nenamjenske realizacije dobijenih novčanih sredstava za održivi povratak, na prijedlog Kreditnog odbora korisnik sredstava će biti u obavezi da u cjelosti izmiri sva sredstva u skladu sa ugovorom o dodjeli sredstava za održivi povratak.

Član 11.

Uz zahtjev za odobravanje novčanih sredstava za održivi povratak prilaže se slijedeća dokumentacija:

- kućna lista izdata u mjestu povratka;
- uvjerenje, odnosno potvrda o statusu borca-branitelja BiH iz člana 1. Zakona o dopunskim pravima boraca-branitelja Bosne i Hercegovine;
- rješenje o utvrđenom statusu raseljenog lica;
- uvjerenje o kretanju izdato od nadležne policijske uprave MUP-a Kantona Sarajevo;
- dokaz o neposjedovanju nekretnine ili stana na području Kantona Sarajevo;
- dokaz o povratu imovine i dokaz o uslovnosti vlastite kuće ili stana za stanovanje na području predratnog prebivališta;
- dokazi o ukupnim mjesečnim prihodima-primanjima podnosioca zahtjeva i članova porodičnog domaćinstva po osnovu radnog odnosa, boračko-invalidske zaštite, penzije, samostalne djelatnosti i drugih osnova;
- kopija lične karte izdate od općine u koju se lice vratilo;
- biznis plan - projekat za djelatnost sa priloženim dokazom o imovini i resursima potrebnim za djelatnost (zemljište, objekti i druga materijalna sredstva) i predračunom (ponudom) ili predugovorom o kupoprodaji potrebnih materijalnih sredstva.

III.a KRITERIJI ZA DODJELU NOVČANIH SREDSTAVA ZA ODRŽIVI POVRATAK.

Član 11.a

OSNOVNI KRITERIJI

Osnovni kriteriji za dodjelu sredstava za održivi povratak odnose se na:

1. Raseljena lica koja su ostvarila povratak na teritoriju entiteta RS 50 bodova
2. Raseljena lica koja su ostvarila povratak u okviru teritorije FBiH 35 bodova
3. Lokalitet, odnosno udaljenost mjesta održivog povratka od Kantona Sarajevo po oblastima
 - a) Oblasti u RS-u:
 - Istočno-bosanska oblast 20 bodova
 - Sjeverno-bosanska oblast 17 bodova
 - Zapadno-bosanska oblast 14 bodova

- Istočno-hercegovačka oblast 10 bodova
- Banjalučka oblast 8 bodova
- Okolina Sarajeva koja pripada RS (Pale, Trnovo, Gornji Kotorac, itd) 5 bodova
- b) Oblasti u Federaciji BiH:
 - Oblasti kantona koji graniče sa Kantonom Sarajevo 5 bodova
 - Ostale oblasti u Federaciji BiH 10 bodova
- c) Distrikt Brčko 12 bodova
- 2. Ukupni mjesečni prihodi-primanja po članu porodičnog domaćinstva porodice korisnici socijalne pomoći i porodice bez ikakvih primanja 25 bodova
 - porodice sa primanjima do 70KM po članu 20 bodova
 - porodice sa primanjima od 70KM do 100KM po članu 15 bodova
 - porodice sa primanjima od 100 do 150KM po članu 10 bodova
 - za svakog člana domaćinstva dodati po 5 bodova
- 3. Namjena sredstava po djelatnosti:
 - poljoprivreda 15 bodova
 - proizvodno zanatstvo 12 bodova
 - usluge i trgovina 8 bodova
 - ostale namjene 5 bodova

U zavisnosti od kvaliteta izrade biznis plana za planiranu djelatnost, uz navedene bodove se dodaje još 10, 6 ili 2 boda.

Član 11.b

POSEBNI KRITERIJI

Posebni kriteriji za dodjelu sredstava za održivi povratak odnose se na:

- a) Broj članova porodičnog domaćinstva
 - za svakog člana porodičnog domaćinstva podnosioca zahtjeva po 10 bodova
- b) Učešće u oružanim snagama RBiH
 - učešće od 18. 09. 1991. - 05. 04. 1992. za svaki mjesec 3 boda
 - učešće od 06. 04. 1992. - 15. 04. 1992. . 2 boda
 - učešće od 16. 04. 1992. - 20. 06. 1992. za svaki mjesec. 2 boda
 - učešće od 21. 06. 1992. - 20. 12. 1995. za svaki mjesec 1 bod

Bodovi za učešće u O.S. pripadaju podnosiocu zahtjeva za svaki naznačeni period i međusobno se zbrajaju.

Za ratne vojne invalide koji su otpušteni iz OS RBiH po osnovu vojne nesposobnosti koja je posljedica ranjavanja ili povređivanja i šehide-poginule borce, učešće u OS RBiH boduje se za čitav period od momenta stupanja u OS RBiH pa sve do završetka oružane agresije na Bosnu i Hercegovinu.

- c) Nosiocima najviših ratnih priznanja
 - Nosiocima najviših ratnih priznanja pripada 10 bodova
- d) Broj poginulih boraca-šehida članova porodičnog domaćinstva
 - za dva i više šehida-poginulih boraca 25 bodova
 - za jednog šehida-poginulog borca 15 bodova

- e) Procenat tjelesnog oštećenja
- RVI sa procentom tjelesnog oštećenja 100% I grupe 24 bodova
 - RVI sa procentom tjelesnog oštećenja 100% II grupe 22 bodova
 - RVI sa procentom tjelesnog oštećenja 90% III grupe 20 bodova
 - RVI sa procentom tjelesnog oštećenja 80% IV grupe 18 bodova
 - RVI sa procentom tjelesnog oštećenja 70% V grupe 16 bodova
 - RVI sa procentom tjelesnog oštećenja 60% VI grupe 14 bodova
 - RVI sa procentom tjelesnog oštećenja 50% VII grupe 12 bodova
 - RVI sa procentom tjelesnog oštećenja 40% VIII grupe 10 bodova
 - RVI sa procentom tjelesnog oštećenja 30% IX grupe 8 bodova
 - RVI sa procentom tjelesnog oštećenja 20% X grupe 6 bodova
- f) Maloljetni pripadnici OS RBiH
- Licima koja su se uključila u OS RBiH u životnoj dobi kada nisu bili vojni obveznici 10 bodova
- g) Borački status člana porodičnog domaćinstva
- Dodatni borački status člana porodičnog domaćinstva - za svakog po 10 bodova
- Ukupan broj bodova ostvaren po svakoj tački ovog člana međusobno se zbraja.

IV - FINANSIRANJE I KONTROLA

Član 12.

Sredstva za finansiranje prava utvrđenih ovom uredbom za svaku godinu obezbjeđuju se iz budžeta Kantona.

Član 13.

Ministarstvo za boračka pitanja svake godine do 31. januara podnosi izvještaj Vladi Kantona o ostvarivanju prava na dodjelu sredstava za održivi povratak.

V - PRIJELAZNE I ZAVRŠNE ODREDBE

Član 14.

Zahtjevi za dodjelu sredstava za održivi povratak, koji su podneseni, do stupanja na snagu ove uredbe, rješavat će se u skladu sa odredbama ove uredbe.

Član 15.

Ova uredba stupa na snagu danom objavljivanja u "Službenim novinama Kantona Sarajevo".